



FINAL EXAMINATION
MARCH 2024

COURSE TITLE	BAHASA KEBANGSAAN A
COURSE CODE	MPU3213
DATE/DAY	26 JUNE 2024 / WEDNESDAY
TIME/DURATION	09:00 AM - 11:00 AM / 02 Hour(s) 00 Minute(s)

INSTRUCTIONS TO CANDIDATES :

1. Please read the instruction under each section carefully.
2. Candidates are reminded not to bring into examination hall/room any form of written materials or electronic gadget except for stationery that is permitted by the Invigilator.
3. Students who are caught breaching the Examination Rules and Regulation will be charged with an academic dishonesty and if found guilty of the offence, the maximum penalty is expulsion from the University.

(This Question Paper consists of **8** Printed Pages including front page)


*****DO NOT OPEN THE QUESTION PAPER UNTIL YOU ARE TOLD TO DO SO*****

Kertas soalan ini mengandungi DUA (2) bahagian. Jawab SEMUA soalan pada semua bahagian dengan menuliskan jawapan di dalam kertas jawapan yang disediakan. [50 MARKAH]

Bahagian A

(20 Markah)

Baca dengan teliti soalan aneka pilihan di bawah. Kemudian, pilih jawapan yang paling TEPAT.



1. Padanan yang BETUL bagi P, Q dan R ialah _____.

	P	Q	R
A.	Austroasia	Austronesia	Melanesia
B.	Austris	Austronesia	Austroasia
C.	Austronesia	Polinesia	Melanesia
D.	Austris	Mikronesia	Austronesia

2. Penggunaan bahasa Melayu dalam bidang teknologi maklumat dan komunikasi pada hari ini membuktikan bahawa bahasa Melayu dapat memenuhi fungsi sebagai _____.

- A. bahasa komunikasi
- B. bahasa rasmi
- C. bahasa moden
- D. bahasa ilmu

3. Apakah tujuan sesuatu mesyuarat diadakan?

- I. Bertukar-tukar fikiran dan pendapat serta mendapatkan idea yang baru
- II. Memberi atau mendapatkan maklumat daripada pelbagai pihak
- III. Mencari penyelesaian kepada masalah-masalah bersama
- IV. Mencari persetujuan dan membuat keputusan atas sesuatu tindakan

- A. I, II dan III
- B. I, II dan IV
- C. II, III dan IV
- D. Semua di atas

9. Padanan yang manakah **BETUL** mengenai fungsi bahasa Melayu?

- A. Bahasa peraduan disalurkan melalui Perkara 152 Perlembagaan Malaysia.
- B. Bahasa Melayu sebagai bahasa ilmu melalui menulis undang-undang dan peraturan negara.
- C. Bahasa Melayu sebagai bahasa kebangsaan melalui perancangan korpus dan taraf bahasa.
- D. Bahasa Melayu sebagai bahasa rasmi melalui catatan dalam semua rekod kerajaan.

10. Petikan di bawah menepati bentuk wacana jenis _____.

Wanita yang ditemui itu berseluar biru, memakai kemeja berlengan panjang, berambut pendek, berkulit cerah, bertahi lalat di bawah bibir, memakai kasut hitam bertumit tinggi, memakai kaca mata hitam, dan beg tangan berjenama *Christine de Or*.

- A. eksplanatori
- B. deskriptif
- C. argumentatif
- D. naratif

11. Yang **SALAH** mengenai ciri-ciri laras bahasa sastera ialah _____.

- A. menggunakan bahasa yang ringkas dan bersahaja.
- B. bersifat imaginatif dan figuratif iaitu penyimpangan daripada bahasa biasa.
- C. bahasa yang terhasil daripada cetusan imaginasi dan pengalaman penulis.
- D. menggunakan perlambangan, kiasan, metafora dan sebagainya.

12. Kesemua penduduk di negara yang berikut menggunakan bahasa Melayu **KECUALI**

- A. Formosa
- B. Filipina
- C. Aceh
- D. India

13. Ciri-ciri cerpen yang **SALAH** ialah _____.

- A. Tema ialah sesuatu yang menjadi dasar dalam sesuatu cerita
- B. Latar ialah suasana bagi plot cerita itu berkembang
- C. Gaya bahasa ialah unsur-unsur nilai murni dalam sesebuah cerpen
- D. Konflik adalah pertentangan antara dua pihak dalam satu urutan plot

19. Pilih perkataan yang mengandungi bunyi diftong pada bahagian tengah perkataan.

- A. Belaian
- B. Ghairah
- C. Kemaafan
- D. Pengecualian

20. Pilih ayat yang menggunakan kata kerja dengan **BETUL**.

- A. Kesihatan nenek semakin beransur.
- B. Surat itu telah saya menjawabnya.
- C. Guru saya pernah menerangkan tentang riwayat hidup tokoh itu.
- D. Hafsham pernah mengarahkan drama komedi situasi yang popular itu.

Bahagian B

(30 Markah)

Jawab SEMUA soalan yang dikemukakan.

1. Baca petikan di bawah dan jawab soalan yang dikemukakan.

Usia persaraan kakitangan awam di negara kita merupakan salah satu yang terendah di dunia. Pada mulanya kakitangan awam wajib bersara pada usia 55 tahun. Kemudian, usia ini ditingkatkan menjadi 56 tahun, 58 tahun, dan kini ditingkatkan lagi menjadi 60 tahun. Namun begitu, bukan semua kakitangan awam bersyukur dengan peningkatan usia persaraan ini. Setiap tahun, ratusan kakitangan awam membuat permohonan untuk bersara lebih awal. Rata-rata, gangguan kesihatan merupakan alasan utama kakitangan awam memilih untuk meninggalkan perkhidmatan kerajaan sebelum tiba usia persaraan wajib. Tidak kurang pula yang memberikan alasan gangguan emosi yang menyebabkan mereka tidak mampu memberikan perkhidmatan yang bermakna kepada masyarakat.

Keperluan untuk memperoleh pendapatan merupakan dorongan utama bagi seseorang individu untuk bekerja. Gaji yang diperoleh itu mungkin amat penting ketika seseorang itu masih muda dan baru memulakan keluarga. Namun begitu, setelah bekerja lebih kurang dua puluh tahun, setelah memiliki semua yang diperlukan dan setelah anak-anak mula berdikari, **dorongan untuk memperoleh pendapatan mungkin sudah kendur**. Ketika itulah kebosanan terhadap pekerjaan akan mula bercambah. Ada masanya anak-anak sendiri akan meminta orang tua mereka bersara awal. Hal ini amat benar terutama sekali sekiranya anak-anak berjawatan tinggi atau mempunyai perniagaan yang menjanjikan pulangan yang amat lumayan. Dalam situasi seperti itu, ada penjawat awam yang tidak tahan menghadapi desakan berterusan daripada anak-anak dan mengambil keputusan untuk bersara awal.

Sementara itu, terdapat sekelompok lagi kakitangan awam yang kecewa dengan pendapatan mereka yang jauh lebih rendah berbanding dengan pendapatan yang ditawarkan oleh pihak swasta. Oleh itu, mereka mengambil keputusan untuk meninggalkan perkhidmatan awam dan berpindah ke sektor swasta. Selain menikmati faedah kewangan yang lebih menguntungkan, mereka **juga tertarik dengan wajah bahan dalam sistem kerja yang mencirikan sektor swasta itu**.

Sebenarnya, keputusan untuk berkhidmat atau bersara merupakan hak peribadi seseorang insan. Namun begitu, sikap sesetengah penjawat awam yang sanggup membelakangkan kepentingan perkhidmatan terhadap rakyat semata-mata kerana ingin mengejar kekayaan yang dijanjikan oleh pihak swasta agak mengkilankan. Mereka lupa bahawa sektor awamlah yang telah memberikan asas kepada mereka untuk memulakan

kerjaya dan keluarga suatu ketika dahulu. Segala pengalaman dan kepakaran yang ada pada mereka juga diperolehi melalui perkhidmatan awam.

(Dipetik dan diubah suai daripada "Pencen dan Pancit"
oleh Hamin Satar, 2008)

- I. Jelaskan maksud frasa bagi:
 - a. ...dorongan untuk memperoleh pendapatan mungkin sudah kendur. (2 Markah)
 - b. ...tertarik dengan wajah bahan dalam sistem kerja. (2 Markah)
 - II. Apakah mesej yang ingin disampaikan oleh penulis melalui petikan di atas? (6 Markah)
2. Struktur penulisan yang baik perlu mempunyai satu penetapan tema, tajuk atau idea utama kerana ia dapat menentukan hala tuju sesebuah penulisan. Setelah itu, perancangan dibuat dengan teliti melalui pembacaan bahan atau sumber rujukan yang berkaitan dengan idea utama yang ingin diketengahkan kepada umum.
- a) Nyatakan **TIGA (3)** unsur utama dalam struktur penulisan. (3 Markah)
 - b) Berikan **DUA (2)** teknik yang boleh digunakan semasa menulis perenggan pengenalan atau pendahuluan. (2 Markah)
 - c) Tuliskan sebuah perenggan dengan menggunakan kaedah deduktif. (5 Markah)
3. Petikan yang berikut merupakan satu perenggan penulisan rencana.
- "Perkembangan dunia materialistik meninggalkan kesan yang amat besar terhadap perasaan, pemikiran dan sikap manusia. Generasi hari ini merupakan golongan bertuah yang tidak pernah melalui saat-saat getir semasa negara kita dijajah, terheret ke dalam peperangan, dan manusia merana tanpa makanan. Oleh itu, kebanggaan terhadap tanah air, semangat patriotisme dan cinta akan negara dalam kalangan mereka agak tipis berbanding dengan generasi terdahulu. Oleh itu, tidaklah menghairankan sekiranya sesetengah ahli sukan era ini **bersikap acuh tak acuh** ketika membawakan cabaran negara ke persada antarabangsa. Mereka tidak menunjukkan semangat juang yang kental dan kesanggupan untuk berkorban jiwa dan raga demi kemegahan nusa dan bangsa".*
- a) Nyatakan definisi rencana. (1 Markah)
 - b) Bincangkan **TIGA (3)** ciri-ciri penulisan sesebuah rencana yang baik. (3 Markah)
 - c) Makna lain bagi frasa *bersikap acuh tak acuh* ialah ... (1 Markah)

4. Taklimat merupakan pengucapan yang memerlukan kemahiran berkomunikasi yang tinggi. Lazimnya, taklimat digunakan untuk menyatakan objektif dan rancangan kepada sasaran yang tertentu.
- a) Berdasarkan pendapat anda, jelaskan persediaan yang perlu dilakukan sebelum mengadakan taklimat kepada sasaran anda. (3 markah)
- b) Terangkan **DUA (2)** prinsip-prinsip taklimat yang perlu dipatuhi. (2 markah)

*** KERTAS PEPERIKSAAN TAMAT ***

